



## Universitätsbibliothek Paderborn

### **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1847**

MDXV. Die Markgräfin Elisabeth verspricht den Uebergriff der von Rohr gestrenge zu ahnden, weiset aber ein Erbieten der Friedensstiftung zwischen ihrem Gemahle und den Herzogen von Pommern-Stettin ...

[urn:nbn:de:hbz:466:1-54183](https://nbn-resolving.org/urn:nbn:de:hbz:466:1-54183)

vnd hern hern Johanne Borchgreuen to Norenberch vnd markgreuen tho Brandenborch gescreuen.

Nach dem Original.

MDXV. Die Markgräfin Elisabeth verspricht den Uebergriß der von Rohr strenge zu ahnden, weist aber ein Erbieten der Friedensstiftung zwischen ihrem Gemahle und den Herzogen von Pommern-Stettin zurück, da keine Fehde zwischen diesen stattfindet, am 23. Septbr. 1424.

Vnser fruntschafte vnd was wir guts vermugen zuoran. Hochgeboren besunder lieber frundt. Als ir vns geschriben vnd iczunt sverlichen geclagt habet über die roren von der Meienburg vnd von newenhawfz etc. das haben wir wol vernomen vnd tun euch zu wissen, das vns solich sache vnd tat, so dann dieselben roren an euch vnd an den ewren getan haben, nicht liep, sunder getrewlichen leit ist, wann wir vormals hannfen von qwiczwow, vnsem hauptman in der prignicz, ernstlichen geschriben vnd in geheissen haben mit allen den vnseren in der prignicz zu bestellen, das sie keynerley zugriffe noch beschedigung tun solten, vnd hetten nicht getrawt, das die ror daruber sulche zugriffe zu euch vnd den ewren getan solten haben. Nu wie dem allen sey, So wir iczunt in die alten marck kumen, wollen wir hannfen von qwiczwaw vnd die ror für vns verbotten, mit jn aufz sulchen sachen reden vnd vns darjnn von ewren wegen beweizen vnd tun, das ir wol erkennen sullet, das es vns leit ist: vnd wie dieselben ror von sulcher tat vnd handlung wegen von vns scheiden werden, das wollen wir euch von vnser selbes bottschaft wissen lassen vnd biten euch mit allem fleisse mit den ewren zubestellen, das indem keynerley zugriffe von jn gescheen: deszgleichen wir mit den vnsern auch tun wollen, so wir beste mugen. Auch als ir vns geschriben habt, wie ir einen fride zwilchen vnsem lieben hern vnd gemahel vnd den herczogen von Stein begriffen habet vnd bitet das wir darvmb vnser hauptleute gegen euch schicken wollen etc. darauf tun wir euch zu wissen, das vnser lieber here vnd gemahel von keiner vehde weiz, darvmb er sich mit den Stetinischen herczogen befriden solt, dann er helt sich der Sone, die herczogen wilhelm von Brunfzwig zwischen jm vnd den herczogen von Stetin begriffen vnd versigelt hat, die er auch in keinen wegk nach weiz meynt zuuerbrechen, Sunder die ganz halten wil alsdann derselbige Son briffe jnnhelt vnd aufzweizet. Deszgleichen hoffen wir das die Stetinischen herczogen es auch also nach jnnhalt des Sonbriffes halten werden. Geben zum Berlin, des Sunabents nach sante Mathes tag, Anno etc. XXIII<sup>o</sup>.

Elizabeth etc.

Nach dem Concepte.